

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i člana 25. Statuta Grada Tuzle („Službeni glasnik Grada Tuzle“, broj 6/21), u skladu sa odredbama člana 39. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Tuzlanskog kantona“, br. 5/12, 7/14, 11/15, 13/16, 4/18, 12/20, 22/21, 5/22, 8/22, 10/22 i 14/22), Gradsko vijeće Grada Tuzle, na sjednici od 27. juna 2024. godine donosi

P R A V I L N I K
o izmjenama Pravilnika o kriterijima i postupku za ostvarivanje prava
na socijalne jednokratne novčane pomoći iz Budžeta Grada Tuzle

Član 1.

Član 9. Pravilnika o kriterijima i postupku za ostvarivanje prava na socijalne jednokratne novčane pomoći iz Budžeta Grada Tuzle („Službeni glasnik Grada Tuzle“, broj 15/22 i 1/24), mijenja se i glasi:

„Služba nadležna za provođenje postupka, po službenoj dužnosti će:

- a) pribaviti dokaz o pripadnosti boračkoj populaciji za podnosioca zahtjeva i sve članove zajedničkog porodičnog domaćinstva putem Službe za boračko-invalidsku zaštitu, stambene poslove i integraciju raseljenih lica Grada Tuzle i
- b) izvršiti provjeru evidencije prebivališta za podnosioca zahtjeva.”

Član 2.

U članu 24. stav (2) mijenja se i glasi:

„(2) Provjeru evidencije prebivališta za oba partnera izvršit će nadležna služba po službenoj dužnosti.”

Član 3.

U članu 28., stav (3) mijenja se i glasi:

„(3) Služba nadležna za provođenje postupka po službenoj dužnosti će:

- a) pribaviti dokaz o ostvarivanju prava na novčanu pomoć za nabavku senzora za bezbolno i kontinuirano mjerenje šećera u krvi iz sredstava Budžeta Grada Tuzle koja se dodjeljuju putem neprofitne organizacije i
- b) izvršiti provjeru evidencije prebivališta za podnosioca zahtjeva.“

Član 4.

Ostale odredbe Pravilnika ostaju na snazi.

Član 5.

Ovaj Pravilnik stupa na snagu narednog dana od dana objavljivanja u „Službenom glasniku Grada Tuzle“.

GRAD TUZLA
Gradsko vijeće
Broj:01/31-A-9777-2024
Tuzla, 27. juni 2024. godine



PREDSJEDAVAJUĆA
Nataša Perić
Nataša Perić, prof.